

NAMIBIA SENIOR SECONDARY CERTIFICATE

FIRST LANGUAGE OSHIKWANYAMA ORDINARY LEVEL 4105/3

PAPER 3 Literature

2 hours

Marks 60

2018

Additional Material: Answer Book

INSTRUCTIONS AND INFORMATION TO CANDIDATES

- Write your answers in the Answer Book provided.
- Write your Centre Number, Candidate Number and Name in the spaces on the Answer Book.
- Write in dark blue or black pen.
- Do not use correction fluid.
- Answer **three** questions, **one** from Section A **Poetry**, **one** from Section B **Prose** and **one** from Section C **Drama**. Of the three answers, **one** must be an essay.
- Pay attention to spelling, punctuation and sentence structure.
- The number of marks is given in brackets [] at the end of each question or part question.

OMALOMBWELO NOMAUYELELE KOVAHONGWA

- Nyola omanyamukulo oye mEmbo lOmanyamukulo olo wa pewa.
- Nyola Onomola yOsenda, Onomola yEkonakono nEdina loye kEmbo loye lOmanyamukulo.
- Nyola nopena imbulau ile ilaula.
- Ino longifa okadimifo komeva.
- Nyamukula omapulo **atatu**, **limwe** okudja mEtukulwa la-A lOutevo, **likwao** okudja mEtukulwa la-B lIEprosa **nalikwao** otali di mEtukulwa la-C lIEdrama. Epulo **limwe** lomwaa atatu nali kale ekwakuhololwa.
- Kotokela esipelo loitya, elongifonawa loileshifo netungo lomatumbulo.
- Omwaaulu waitwa owa yandjwa moikondekifombine [] konima yepulo keshe ile yoshitukulwa shepulo.

This document consists of **8** printed pages.



Republic of Namibia
MINISTRY OF EDUCATION, ARTS AND CULTURE

ETUKULWA A: OUTEVO

Metukulwa omu hoolola mo epulo **limwe** alike.

- 1 Lesha okatevo taka shikula ka dja **mOmatevelo 4 ku A.L. Nghifikua**, ndele to nyamukula omapulo aeshe.

Omeva nomundilo tava kundafana

Omeva taa pula omundilo,
 Oho longo shike?
 Omundilo tau ti:
 “Aame Ndalú yaShiteni,
 Nda xwik’ epeya melondo,
 Ofuka nde i nyikif’ omutemo,
 Omumwe noshingalamwifí,
 Nomisheshe oda tema,
 Omiti hadi li eengobe.

Onda teendjaba melondo,
 Ookahenge nde, va hanga tava teya;
 Tava xwanaun’ ongoya,
 Ndel’ ongoya tai va nyenge,
 Ame Ndalú yaShiteni,
 Onde uya po pongoya,
 Onde i lavela nelaka,
 Nde i yedel’ omayoo,
 Ndee tai ning’ okalungulungu,
 Ngombwa ya tuwa kofine.

Omeva taa ti:
 Aame Shikungulu nda nyon’ epya,
 Ekufi nda nyon’ oshilongo,
 Nde shi oya ngoo ombado,
 Ongongoma tai hokwa.

Onda tokaana noyana,
 Nde i dilila kOmbwela,
 Kwinya haku di kambida,
 E nomakaya moshako

Onda etelel’ omashale,
 Omumwe neembatata,
 Tadi shingwa kUshikende,
 Di shiive di ye moyongo,
 Do di ka tuw’ omakupa.

Onda twaalel' ouhamba,
Wakula waHamupunda,
Winya a kala mOndjiva,
Mboli nda kaul' onyanga.
Onghee nda xulila opo.

(W.W Mwaningange)

- (a) Omutevi okwa longifa ovapersona velipipo mokweeta po okatevo aka? Yandja omaludi **avali**, ndele to a koleke. [4]
- (b) Omutevi okwa longifa ngahelipi elaka, opo a twe omufindo kefimano lomeva? Yandja oitwa **ivali**, ndele to shi koleke noitwa ya dja mokatevo. [4]
- (c) Omutevi okwa longifa ngahelipi elaka, a etele omuleshi omaliudo onghenda mokatevo aka? Shi koleka. [2]
- (d) Yandja oitwa **ivali**, tai holola kutya omutevi okwa longifa ngahelipi enhupeko, opo e tu etele pouyelele oukwatya womundilo mokatevo aka. Shi koleka. [4]
- (e) Eshi to diladila omutevi okwa hala oku tu hongwa shike mokatevo aka? Yandja oitwa **ivali**, ndele to shi koleke noitwa ya dja mokatevo. [4]
- (f) Okatevo aka owe ka panda ile ino ka panda? Koleka enyamukulo loye she likwatelela kokatevo. [2]
- [20]**

ILE

- 2 Lesha okatevo taka shikula, ka dja m**Oifala noikuko** ku **J. Nghishiilenhapo**, ndele to nyamukula epulo la pulwa.

Omukwanyanya

Elume linyika laMakosho,
Lihe n' oukumwe nomunhu,
Lii nokukala nalo,
Lii nokwaamakana,
U shaame nal' oixuna,
Oushiinda nal' oupyakadi.

Olo Munyika laMakosho,
Li n' omanganga komwenyo,
Nomhelo ya f' oixuna,
Li nyenga la f' elambakwa,
Li yehama la f' oshipute shophonho,
Lihe n' onge nomunamwenyo.

Olii nokudalwa nalo,
Lihe shii nokuyongofelwa,
Liha shakenifw' omesho,
U li lombwelel' eisho,
U li fiikil' apa,
Elume olii nokukala nalo.

Ngoshikuni shadj' eehandje,
Kesh' omunhu otali shoshokele,
Tali topifile mwaaveshe,
Mengafifi amushe omo,
Laava tava xuxumukwa,
Elume le ve lihanifa.

Hashipala shomaonya,
Sha f' epumba longobe,
Hamunhu we mu popifa
Ota kala e ku lomokele,
Ha ende a fa taka homona,
Ngomunhu taka pul' oikolo.

- (a) Omutevi okwa longifa ngahelipi elaka, e tu hololele ekwatafano olo la li pokati komukwanyanya novanyandi vamwe mokatevo.

Shi ninga noitya **125 – 150**.

[10]

- (b) Hokolola kutya omutevi okwa hala oku tu hololela shike kombinga youkwatya womukwanyanya mokatevo aka.

Shi ninga noitya **125 – 150**.

[10]

[20]

ETUKULWA B: EEPROSA

Metukulwa omu hoolola mo epulo **limwe** tali di mu**Wanashipolo a ya nomwenyo mofuka** ku **T.N. Shakujungua** ile m**Olupafu la twa eisho** ku **P.N. Hamutenya**.

- 3** Lesha okahokololo aka ka dja mu**Wanashipolo a ya nomwenyo mofuka** ku **T.N. Shakujungua**, ndele to nyamukula omapulo taa ka pulwa kuko.

Omanga ta ningi eengongomokelo dokudja komuti, eenghambakani ode u kombola vali da finda mekolo lomuti tadi ende omwoodimba nokufimbula neenghono ongombwa ya kanifa mwene. Ova kala ofika ombadilila meni lomuti, tava fimbula aveshe oshita kefina pomuti. “Ndele otashi dulika omunhu e li pombada komuti oku waima. “Naame osho handi hale okutya. Xwameka onyika yoye tu minikile komuti oku u tale.”

“Tala, tate Kalambi, fyee nafye omukaa womoshilongo omu otu u shii. Paife otwa hala nee tu ku kwafe moluhepo lwoye onghene pwilikina nawa. Ile haave Kalambi?” “Aame, Ka ... Kalambi.” Osho nakulonda a nyamukula ombaadilila nokukokoma. Nakupopya ta twikile nokufatululila omushamane manga mukwao ta fi oingungumina, shaashi onghene ngaho ve uyile momuti omo va ude ondaka yanakulonda.

“Paife ohatu i ndele naave ino twikila vali nokulondela oifitukuti moixwa omaufiku. Ou na okuya keumbo loye meemhadi ditalala. Ongula eshi tuu to likame komesho, omanga ino popifa nande omunhu, ove oto uya momuti omu. Oto hange mo ombelela ya wana. Oshilama ... nekalo. I twala keumbo loye, ndele to i li pamwe novanuembo loye fiyo otai pu po. Ashike pwilikina nawa, u wete ovanhu vomwenyo ihamu udu ko nyee ihamu lombelwa. Ngeenge owe shi ningile owina ndele to efa tai pupo ino i makela, ohatu ku mono mofuka, ndele oto pange to utama. Ino hetekela nande okulombwela ko omunhu koinima aishe ei nda tonga apa. Nashi ninge oshiholekwa shomonhulo yoye. Oukulunhu hakumena eembinga. Ngeenge ino kula, ito kulu vali!”

Ongula inene omushamane, Kalambi okwa kwata oxuxwa komulungu, opo a ka tale ngeenge eendjovo dovakwaufiku odoshili. Kombinga yoifitukuti ka li e na ko nasha, kakele ashike kovalimbiliki ovo a mwene onguloshi. Okwa enda nee te lipula kutya, ngeenge okwe va hange po natango pondobe ota ningi ngahelipi. Ashike paife okuyela, Shiti ota ka tekela Mbundje ngeenge otava xwangaaxwanga.

Onguloshi yefiku olo omushamane Kalambi okwa tokelwa nomwenyo wa lindimana. Kombinga imwe ote lipe oushima eshi a popilila unene mokuholola oiholekwa. Nokombinga ikwao ote lipula nongobe yaye oyo tashi dulika ya vakwa po. Fiyo opapa okwa nyengwa okuyoolola kutya ovanhu ava ve mu hangele komuti ovakulunhu ile eembudi. Muye omadiladilo okwa kala nee taa kondjifafana. Ngeenge ovakulunhu, oku li moupyakadi, shaashi okwa tauluka eendjovo davo. Ndele ngeenge eembudi nena odi na ashike okutetwa diva nokulandulwa neenghambe, pamwe ongobe tai hangika ngaho i na omwenyo.

Eshi va lya onghuta, Kalambi okwa homata oiti yaye. Okwa homata onghwalute yaye ndele ta djala omukonda. Te lipikile ombalukutu oyo ya li i yadi ndoo omihongo. Ta

kufa ofenya yaye ya kula noositoloxa, ndele te i tula mondjato yomungwasha ou a pewa komona ou opo a di kOlivingi. Ta ende e liwete oulumenhu e kwetele outa kolumosho a finda kondjuwo yainakulu, Mukwahepo, ou a dala ina, opo e ke mu lekele. Kalambi: “Meekulu fye otwa hala tu ka landule ongobe ei ya kana meumbo omu. Onghela okwa monika kutya oya fa ya shingwa po. Ohatu ka ya nee ngaho mekondo fyee tu tale apa hatu li xulifile.”

Omukulupe ta i mo “Eengobe dovakwamalanga odo. Nyee onye ovo mwa kula ndele ohamu lituvike ashike owalende keshe efiku. Omunhu womukulunhu nande ne uye moshilongo ita mono olweede lokupopya naave. Halikasha oto nangala ashike to yadauka oikunwa, nghi shi apa tamu ka petukila mounyuni weni omu.”

Omupya munene Kalambi ka li e udite ko eshi inakulu a hala okutya. Oku wete vati a fa a shuna meemhofi nota mane po ashike efimbo mokupopya oinima i he uditike. Ponhele yokupula nawa, okwa lombwela ashike inakulu kutya vo otava i: “Ndishii omwa ti ekondo ola monika indeni hano vamwange, i kaleni meendjatelo nye mu tale ofuka eshi tai mu ningile. Ashike kaleni mu shi shi kutya ... eengobe odovakwamalanga odo.”

- (a) Omushangi wehokololo eli **Washipolo a ya nomwenyo mofuka** okwa hala oku tu lombwela shike eshi a longifa oitumbula ei? Shi koleka.
- (i) oukulunhu ihau mene eembinga [2]
- (ii) shiti ota ka tekela mbudje [2]
- (iii) hamu lituvike owalende [2]
- (b) Omunyandi elipipo wa panda mehokolololo eli la**Wanashipolo a ya nomwenyo mofuka**? Shi koleka noitwa **itatu**. [4]
- (c) Omushangi wokambo **Wanashipolo a ya nomwenyo mofuka** okwa longifa ngahelipi elaka, opo a yelife nawa etumwalaka lehokololo eli?
- Shi ninga noitya **125 – 150**. [10]
- [20]

ILE

4 Olupafu la twa eisho ku P.N. Hamutenya

Hokolola kutya omushangi wehokololo **Olupafu la twa eisho** okwa nwefa mo ngahelipi omuleshi a hokwe omunyandi **Kristine**.

Shi ninga noitya **250 – 300**. [20]

ETUKULWA C: EEDRAMA

Metukulwa omu hoolola mo epulo **limwe** tali di m**Omapumhumu taa yolele Oulipamwe** ku **V. Munyika** ile **Mushakati waNelao** ku **E.T. Ndadi**.

- 5** Lesha okahokololo aka ka dja m**Omapumhumu taa yolele Oulipamwe** ku **V. Munyika**, ndele to nyamukula omapulo taa ka pulwa kuko.

Okwooko ihaku lidi peteta. vomooTitusa inava mona ombedi yokamona. Nokuli ova hala ngeenge otashi ningwa, shi tameke mokufutilwa omhedi yavo oyo ya dipaelwa kwiikwao yokooNdaafita. Shimha tuu sha ningwa, navo vati ove lilongekida okufuta omhundja. Pefimbo olo tuu olo, opa ningwa oshinima shimwe tashi lepeke ekuma letondafano pokati komaumbo aa avalu. Omushamane Ndaafita okwa li ha nane moshikundu.

Meme Ester ka li unene a hafela onghalo youkolwe waNdaafita. Alushe ota tanguna. Okwa li okukendabala, ndele hasho. Etango nalo ola hala nokuli oku ka pa ovana. Nena okwa fa a fita po neenghono. Onghambe keumbo oi shii ko nale, shaashi oye shi ika. Ndele nena Ndaafita okwa fa a hala ya mana mo neenghono. Okwa li e na okukufa ongola oyo a li a homatela pamwe nekatana. Mupya munene, ponhele yokukufa oshokoto okwa nakula mo ashike ekatana, la twa. Okwa li nee ta kendabala okudenga, vati nongola nee shinya. Omushila wonghambe e u teta ko. Meumbo okwe ya mo ehe na ete, osheshi eshi tuu ta di ko konghambe opo ta didilike kutya onghambe ka i na omushila. Paye osha yela kutya nani oilulu oyo ya tokola ko omushila wonghambe yaye.

Mongula eshi kwa sha, omeva e mu pwa. Okwa fa ta nyengwa okudimbulukwa eshi sha ningwa po onguloshi. Ester ota dimbulukwa nawa kutya Ndaafita okwa ile nekatana, lo olo tashi dulika a tetifa onghambe omushila. Ndaafita ina hala okufuda ina konakona oshinima eshi. Onghee okwa hala a ye kovakulunhu ve mu ile po.

Ester: Haiti, Ndaafita, ou shi shii tuu kutya ina yaLiina okwa li omukulunhu hano? Oto ti ngaashi mu na oityokota navo, ou kale ino mona sha? O, hau na nokuli elao ove mwene ino mona oshiponga.

David: Oi, ou tya mboli paife ohandi dulu okutengeneka ou a fingila nge omupya u fike opo. Ndele ondi na okuya pomukulunhu wonhumba, opo ngoo a tale po nawa ye a lombwele nge eshi handi ningi. Ino uda Shiku eshi ha ka futwa mona wa?

Eshi va mana okuudafana, omushamane Ndaafita okwa ya kOpepela opo va ka udafane nomushamane Shiku, (oo wondudu) kombinga yoinima ei yavo naTitus. Pokati opo nekulu la-Titusa okwe ile okutalela po meme Ester. Omapumhumu otaa yolele ashike oulipamwe, nande onghone oya kala ashike medimo. Shimha tuu va topoka, meme Ester oha kala ta tunyatunya kumulungu ye ta popi oitya inai filwa nawa oshisho. Oha ambe, nokukwetele mukwao medimo.

Tate Ndaafita naye oikwa-noipangifo yaye osho e i mono nokwa findana moku i holeka. Paife oku li nokuli mondjila opo e i twaalele ondudu. Oku wetwe e shi denga komutwe. Shiku okwa li mongudu yaavo hava popi ashike oipupulu, nokudenga ashike ovanhu oixwa koipala okwa kala ta kongo omauyelele aye kombinga yonghalafano pomukunda wooNdaafita.

Mokutala mokakola, omushamane Ndaafita okwa mona ovaashinda shaye. Shiku okwa logekida nale ovakulukadi vavali opo va kale Ndaafita konima tava tale yo mokakola oko ka li ka oyololwa nawa.

Efiku limwe Lusia okwa ninga sha sha handukifa omushamane waye Timo. Eshi tuu pa ka pita eemwedi hamano, vo ove limona nale omapadi manene. Paife ombili meumbo ka i mo vali. Timo ka li unene a hala oitaataana nomukulukadi waye, okwa mwena ndee ta ti tuu filu. eendjovo defiku olo nande da fa ngaho ngeno da xulila opo, ovaneumbo ava inava kala nande vali nombili ya wana meumbo lavo. Ediladilo laLusia lokuya kooxe, ola li ngaho li na sha. Eshi a kala omafimbo mahapu te lipula nohombo yavo, opo a dja nediladilo lokuya manga kooxe, opo tuu a ka mone yo omhito yokupula sha kovakulunhu vaye kombinga yohombo yavo oyo tai uhala ngaho tai dedauka.

Lusia: Meme onda diladila pamwe oshi li ngaho nawa ngeenge handi ku hokololele ashike oudjuu wange, pamwe naave oto ka dula ngaho oku u kwafa nge, nande tate ke po.

Liina: Kaana ove kange, owa diladila ngaho nawa? Paife owa hala okuteya ohombo opo ngaho wa hambolwa ongheleinya, ndele wa kwatwa nale komadiladilo e li ngaho? Diladila nawa kakadona kange. Ohombo ohombo.

Timo: Lusia, ombili nee mukulukadi wange. Tu kufilafane po nee ngaho, mufuko wange.

- (a) Omushangi okwa nwefwa mo ngahelipi omaliudo ovapwilikini kombinga yeenganga? Yandja oitwa **ivali** ndele to shi koleke. [4]
- (b) Oshipalanyole **Omapumhumu taa yolele oulipamwe** osha kwatafana ngahelipi noshikalimo shoshinyandwa eshi? Koleka enyamukulo loye she likwatelela kokambo aka. [2]
- (c) Etumwalaka lehokololo eli otali wapalele ngahelipi ovanyasha? Koleka enyamukulo noitwa **ivali**. [4]
- (d) Hokolola kutya omushangi okwa longifa ngahelipi omunyandi **Lusia**, opo e tu etele pouyelele exuku lehokololo laye. [10]

Shi ninga noitya **125 – 150**.

[10]

[20]

ILE

6 Mushakati waNelao ku E.T. Ndadi

Hokolola nghene omushangi woshinyandwa **Mushakati waNelao** a longifa omudaninghamangala, opo a itavelife ovaleshi kutya onghalo yaye yopamaxupilo okwa li i li nawa.

Shi ninga noitya **250 – 300**.

[20]